

Sarajevo, **13-12-2019**
Broj: **02-03-64438**

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 03-06-63252 od 06.12.2019.godine, Generalna direktorica donosi:

ODLUKU

o izboru najpovoljnijeg ponuđača za nabavku laboratorijskih mikroskopa za potrebe Kliničke mikrobiologije i Kliničke biohemije sa imunologijom

I

Prihvata se prijedlog Komisije za javnu nabavku, Izvještaj br. 03-06-63252 od 06.12.2019.godine, za nabavku laboratorijskih mikroskopa za potrebe Kliničke mikrobiologije (2 kom) i Kliničke biohemije sa imunologijom (3 kom) KCUS-a, nakon provedenog Konkurentskog zahtjeva objavljenog na portalu e-nabavke pod br. 893-7-1-759-3-454/19 i ugovor dodjeljuje najpovoljnijem ponuđaču:

SEDŽAN INGENERING d.o.o. Sarajevo

1.1. LABORATORIJSKI MIKROSKOP sa binokularnim nagibnim tubusom, led osvjetljenjem i fluoritnim fazno-kontrastnim objektivima 10x, 40x i 100x opcijama svjetlog polja, tamnog polja, polarizacije i fazno-kontrastnog polja (2 kom), proizvođača OLYMPUS, tip CX-43 LED

Jedinična cijena: 16.638,40 KM x 2 kom = 33.276,80 KM

1.2. LABORATORIJSKI MIKROSKOP sa ugrađenim planakromatskim objektivima povećanja 4x, 10x, 40x (3 kom), proizvođača OLYMPUS, tip CX-33 LED

Jedinična cijena: 5.503,40 KM x 3 kom = 16.510,20 KM

Ukupna vrijednost ugovora: 49.787,00 KM + PDV 8.463,79 KM = 58.250,79 KM sa PDV-om

Rok isporuke: 45 dana od potpisa ugovora i izdavanja narudžbenice

Garancija na isporučenu robu : 24 (dvadesetčetiri) mjeseca.

Uslovi plaćanja: Odgođeno plaćanje u roku 60 dana od dana isporuke, instalacije, puštanja u rad predmeta nabavke, edukacije uposlenika ugovornog organa i ispostavljanja fakture.

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 2.1 Tenderske dokumentacije, u skladu sa dostavljenom Izjavom ponuđača, ne stariji od 3 mjeseca računajući od momenta predaje ponude, ukoliko isti nisu dostavljeni uz ponudu.

III

Ova Odluka stupa na snagu danom donošenja i objavit će se na web stranici KCUS-a putem web stranice Kantona Sarajevo istovremeno sa dostavljanjem ponuđačima učesnicima postupka javne nabavke.

OBRAZLOŽENJE

Na osnovu Odluke br.02-03-58086 od 13.11.2019. godine, pokrenut je postupak javne nabavke za nabavku laboratorijskih mikroskopa za potrebe Kliničke mikrobiologije (2 kom) i Kliničke biohemije sa imunologijom (3 kom) KCUS-a sa procijenjenom vrijednosti u iznosu od 49.999,99 KM bez PDV-a.

Nabavka je planirana Planom javnih nabavki za 2019.godinu: pod klasifikacijom „robe“ redni br. 19. (Odluka o usvajanju Plana javnih nabavki Kliničkog centra Univerziteta u Sarajevu za 2019 godinu, broj: 360/19 protokol br. 02-01-18632/19).

Obzirom da je dokumentacija za postupak nabavke, objavljena na portalu e-Nabavke, istu je preuzlo 19 (devetnaest) ponuđača, a do krajnjeg roka određenog za prijem ponuda, 29.11.2019. godine do 10 h i 30 min, na Protokol KCUS-a dostavljene su 2 (dvije) ponude ponuđača: Emeding d.o.o. Sarajevo - sa ponuđenom cijenom u iznosu od 33.560,00 KM i Sedžan Ingenering sa ponuđenom cijenom u iznosu od: 49.787,00 KM bez PDV-a.

[Handwritten signature]

Komisija imenovana Odlukom broj: 03-06-60854 od 27.11.2019.godine je izvršila uvid i provjeru svakog dostavljenog dokumenta i ustanovila da ponuda ponuđača Emeding d.o.o. Sarajevo ne ispunjava tehničke zahtjeve postavljene tenderskom dokumentacijom Komisija je konstatovala kako je ponuđač Emeding d.o.o. Sarajevo u tabeli Tehničkog opisa u koloni „Potvrda tehničkih karakteristika“ za sve stavke upisao DA, ali detaljnom analizom podataka upisanih u koloni tabele „Opis ponuđenog i broj stranice katalogskog prospekta“ Komisija je ustanovila sljedeće:

- za poziciju 1.1.2 tražene su interpupillarne udaljenosti od 48-75 mm a ponuđač je ponudio od 50-75 mm – što ne odgovara traženom.
- za poziciju 1.1.8. tražen je Univerzalni ABBE kondenzator sa 7 pozicija za izbor različitih opcija promatranja, a ponuđač je ponudio kondenzator sa 5 pozicija – što ne odgovara traženom.
- za poziciju 1.1.9. traženo je True Color LED izvor svjetla za mikroskop. LED karakteristika sa jedinstvenim indeksom uzvratu boja (> 96) u transparentnom promatranju , a ponuđeno je osvijetljenje sa halogenim izvorom – što ne odgovara traženom
- za poziciju 1.2.1. Laboratorijski mikroskop sa ugrađenim planakromatskim objektivima povećanja: traženo je 4x (min.N.A.0.1, radne distance do 27,8 mm) , a ponuđena je radna distanca do 15,9 mm; traženo je 40x (min.N.A.0.65, radne distance do 0,6 mm) , a ponuđena je radna distanca do 0,5 mm – što ne odgovara traženom.
- za poziciju 1.2.7. Minimalno podesiva gradacija 2,5 µm mikro kotača za fini focus, a ponuđeno je 2 µm mikro kotača za fini focus – što ne odgovara traženom.
- za poziciju 1.2.10. traženo je Podešavanje intenziteta svjetlosti pomoću potenciometra na prednjoj strani tijela mikroskopa, a ponuđač je ponudio podešavanje intenziteta svjetlosti na desnoj strani tijela mikroskopa – što ne odgovara traženom.

U skladu sa prethodno navedenim, te zahtjevima postavljenim tenderskom dokumentacijom, ponuda ponuđača EMEDING d.o.o je neprihvatljiva i ne može biti predmet daljeg toka natjecanja.

Ponuda ponuđača Sedžan Ingenering d.o.o. Sarajevo sadrži sve tražene elemente i ispunjava formalno pravne i tehničke zahtjeve postavljene tenderskom dokumentacijom, te je prihvatljiva i može biti predmet vrednovanja.

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, član 3. Stav 3) u kojem je regulisano kako se e-aukcija ne može provesti u slučaju prijema jedne prihvatljive ponude, postupak nabavke se okončava u skladu sa Čl.69. stav 1)a) ZJN.

Obzirom da je zadovoljena transparentnost i da je cijena jedine prihvatljive ponude u okviru osiguranih sredstava za nabavku, Komisija je Izvještajem br. 03-06-63252 od 06.12.2019.godine dala prijedlog , da se donese odluka o izboru najpovoljnijeg ponuđača i ugovor za nabavku laboratorijskih mikroskopa za potrebe Kliničke mikrobiologije (2 kom) i Kliničke biohemije sa imunologijom (3 kom) KCUS-a dodjeli ponuđaču Sedžan Ingenering d.o.o. Sarajevo.

Prijedlog Komisije je prihvaćen i donosi se odluka kao u dispozitivu.



GENERALNA DIREKTORICA
Prof.dr. Sebija Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:
- Ponuđačima;
- Tehnički sektor
- a/a KCUS